

Шочмо эл, порылык да чын верч!

Будь готов!

43-шо (3535) №,
2021 ий 22 октябрь,
кугарня.

Ямде лий



1933 ий 1 февраль годсек лектеш.

0+

Кажне тунемше лудеш

Фото-влакым еш да школ архивла гыч налме

ПОДПИСКЕ

Верласе почто отделени-
йышке мийыза але
почтальон деч «Ямде лий»
газетлан подпискым
ышташ йодса.

Индекс - П4696.

Ак - 369 тенгеат 12 ыр.

Мӱнгӱ гыч лекде, онлайн
возалташ лиеш. Тидлан podpiska.pochta.ru
сайтыш пурыз
але «Почта России»
мобильный приложений гоч
возалтса. Ак тыгаяк.

Редакций гоч возалтын
кертыда. Ак - 150 тенге.

Электрон газетым луднеда
гын, **89027382237** номерышке
150 тенгем пыштыза да yamde_lii@mail.ru
адресыш лӱм-
нердам возен колтыза. Газетын электрон версийжым
электрон (E-mail) адресышкыда колтена.

Мый Унчо шко-
лын 3-шо классыш-
тыже тунемам.
Мемнам Ирина Ва-
лерьяновна Ораза-
ева туныкта. Тудо
марла лудаш, шочмо йылме
дене мутланаш кумыланга.
«Кажне марий йоча марла
савыкталтше газет ден жур-
нал-влакым налшаш да луд-
шаш», — оила тунуктышына.
Сандене мемнан классыште
тунемше кажне икшыве «Ям-
де лий» марла йоча газетлан
подпискым ыштен (снимкыш-
те). Газетым классышкак

конден пуат. Чия пуш дене
ӱпшалтше «Ямде лийым»
куанен лаштыклена.

Мӱнгыштат шольым ден
шӱжаремлан йоча газетым
лудам. Нуно воктекем пыз-
нен шинчит да тӱткын ко-
лыштыт. Ачана ден авана
мемнам ончен куанат.

Сабрина АКСЮБИНА.
Морко район.

Подписчик-влак коклаште
ЛОТЕРЕЙ модыш эртаралтеш.
Тӱн приз - **КОНЫКИ.**

Рекламе.



19 октябрьште Сенгымашын XXX идалыкше лүмеш тўвыра полатыште «Угинде» фестиваль-конкурс лийын. Тудым Республикысе марий тўвыра рўдер 2014 ий гыч эртар. Тений фестиваль-конкурс республикысе тўрлө район гыч шым усталык коллектив ушнен. Нунын коклаште Килемар район Арде селасе тўвыра пörтын «Ош пеледыш» йоча фольклор коллективше лийын. Ёдыр-рвезе-шамыч, Юмылан тауштен, киндын шерге акшым ончыктен, Угинде пайремым веселан эртарыме йўла дене палдареныт **(снимкыште)**. Кажне коллектив диплом да шергакан пöлек дене палемдалтын.

Е.ИВАНОВА.

Синквейн

Кинде
Шерге, тамле.
Кўктат, ужалат, кочкыт.
Тамле кочкыш.
Ильыш.
Алина СУББОТИНА.
2-шо номеран Морко
школ.

*Кинде – кече падыраш.
Калыкмут.*

Сенгымаш

20 ноябрьште Москосо *Сенгымаш тоштер Школ музей-влакын 1-ше всероссийский форум-мьитым эртар. Йошкар-Оласе Т.И.Александрова лүмеш 11-ше номеран лицейын командыже тушко кая. Нуно «Изаак-шоляк Шерстнев-мьит лүмеш Боевой чап тоштер» ончерышт дене «Школ тоштерын эн сай выставкыже» всероссийский конкурсышто сенгыше радамьыш логальныт.*



17 октябрьште Шернур ден Куужэнер район-влак чекыште, Мышкар курыкышто, кустылго атлетике дене тагасымаш эрталтын. Тушко тўрлө район гыч 100 утла йоча ушнен.

800 метран дистанцийыште мемнан школын тунемшыже София Романова **(снимкыште пурла гыч кокымшо)** кумшо верыш лектын. Тренерже – Л.В.Музуров. Мый Софиям саламлем да у сенгымашыш шуаш тыланем.

Аня ОРЛОВА.

Марий Турек, Сысоево.

Российысе увер

«Символы охраны лесов России» всероссийский конкурсыш кажне кумылан ег ушнен кертеш. Йодмашым 1 ноябрь марте колтыман. Тўрыс уверым aviales.ru сайтыште лудса.

Йочасадыш коштыо икшыве, 1-7-ше класслаште тунемше-влак, «Когда я вырасту, я стану экологом» книгам налза, лудса да всероссийский конкурс-викториныш ушныза. Тўрыс уверым konkurs-ecokniga.ru сайтыште ончыза.

14 ияш деч кугурак ийготан ёдыр-рвезе-влак «Гимн радости» тўнямбал фотоконкурсышто мастарлыкштым терген кертят. photo@darwinmuseum.ru адрес дене 31 октябрь марте вич фотом колтыман.

Марий Элысе увер

Курчак театр-влакын «Карусель сказок» II тўнямбал фестивалышт Чебоксарыште эрталтын. Российын 13 регионжо гыч 19 коллектив мастарлыкшым ончыктен. Жюри Марий Эл Республикысе курчак театрын «Йўд орол» спектакльжым эн сайлан шотлен.

Республикысе йоча да самырык-влаклан В.Х.Колумб лүмеш книгагудо «Мый йöратем родной элемым» почеламутым сылын лудмо конкурсым онлайн эртар. Йодмашым да пашам книгагудын сайтышкыже 3 ноябрь марте колтыман.

1-2 ноябрьште Йоча да самырык-влаклан «Роза ветров» рўдерыште 8-11-ше класслаште тунемше-влаклан краеведений дене олимпиаде эрталтеш. Йодмашым 26 октябрь марте колтыман. Тўрыс увер – rv12.ru сайтыште.



Сүрет гыч панно марте



25 октябрь — Сүретчын тўнямбал кечыже.

Сылнын сүретлыме мастарлык моткоч шагал еглан пуалтеш. 2-шо номеран Морко школын 9-ше классыштыже тунемше Лена ТИМОФЕЕВАН (снимкыште) пашаже-влакым ончетат, профессионал сүретче сүретлен, шонет.

— Кок ият пелаш улмыж годымак икымше сүретше шочын. Икымше урокым

коваже эртарен. Тужымыштына сүретлаш кумылан-влак ятырын улыт, — оила Ленан аваже Ирина Семёновна.

Лена 1-ше классыште тунеммыж годым Морко посёлкысо «Палитра» школ-студийышке ушнен. 2-шо класс гыч посёлкысо Йоча сымектыш школын художественный пөлкашкыже кошташ тўналын. Кўчык жапыште сенымашыже ятыр погынен. Республикысе изосымектыш тоштерыште эртаралтше «Марий Элын самырык мастарже-влак» ончырышке «Ковам дене ялыште» сүретшым аклаш луктын. «Куэрла» пашаж дене всероссийский конкурсышто мастарлыкшым терген. «Российын самырык енге-влак» республикысе конкурсын «Архитектур да интерьер» тагасыштыже 2-шо верыш лектын. Тений персональный ончерже Морко посёлкысо М.Н.Янтемир лўмеш сылнымут да этнографий тоштерыште лийын.

Ленан сенымашыже-влак — Р.В.Яковлеван паша лектышыже.

Уста ўдыр ончыч пўртўсым сүретлаш йоратен гын, кызыт панно-влакым ышта.

— Фоамиранеш чурыйым сүретлем, вара радынаш ўпым, вургемым урген пижыктем. Тыге сылне айдеме шочеш,



— оила Лена.

Уста ўдырын лўмжым профессионал сүретче-влак радамыште икмыняр ий гыч ужнына манын ўшанем.

Х.АЛЕКСАНДРОВА.
Фотом еш архив гыч налме.

Сылне жап

Идалыкын кажне пагытше шке семынже мотор. Мыланем шыже келша. Пўтын мландым тўрлў тўсан посто авалтен. Пушенге-влак чевер вургемым чиен шогалыныт. Нунын лышташышт южышто лыве гай чонештылыт. Шыжым кайык-влак шокшо велыш каят, мемнан дене шошо марте чеверласат. Ме йолташна-шамыч дене «лышташ йўрым» ыштен модына. Шыже — сылне жап! А те мый денем келшеда?

Алексей ФОНАРЁВ.

Медведево, Кома.

Анаграмме

Профессий-влакым палыза:

→ чеС+тер+ў=?

→ Маска+чер+ы=?

→ онар+С+е +з=?

→ Ушкал+але+жы=?

«Русская словесность»
кружокын енге-влак.

Волжский, Сотнур.

«Рвезе тукым» йоча ушемынизирак вожатыйже-влак 1-4-ше классыште тунемше-шамычлан



Снимкыште: конкурсыш ушнышо-влак.

«Шўртнў шыже» сүрет конкурсым ий еда эртарат. Теният тагасымашке ятыр икшыве ушнен. Эвелина Новикова ден Надя Сергеева поснак чолга улыт: кажне сүрет конкурсышто мастарлыкшым тергат. Икымше классыште тунемше кажне йоча сылне пашаж дене куандарен. Кугурак вожатый Е.В.Григорьева сүрет ончерым келыштарен. Сенгыше-шамычлан Чап кагазым кучыктен.

Морко, Шўргыял.

Дмитрий ЕГОРОВ.

Шыже ик совла вўд дене ик ведра лавырам луга.

Калыкмут.



*Книгагудо-влак –
образованийын,
шанчын, тўвыран
вўргорно
системьшт.
©.МИРОЖОВ.*

#Луд
#Лончыло
#Лий_ончылно



Ака-шўжар гай



**25 октябрь – Школысо
книгагудо-влакын
тўнямбал кечышт.**

Школ ден книгагудо ака-шўжар гай улыт. Нуно икте-весешт деч посна пашам ыштен огыт керт.

Волжский район Карай школыштат тыгак. Ёдыр-рвезе-влак школ библиотекешке кажне кечын куанен вашкат. Нуным библиотекарь В.В.ЕМЕЛЬЯНОВА вашлиеш (снимкыште).

– Йоча-влак школ программе почеш лудлаш книгагудо налыт. Сылнымутан произведенийла дек утларак кумылаждаш серызе-влакын юбилейыштан пӧлеклалтше ончерым ямдылена. Нине книгагудо почеш класслаште вашмутланымашым эртарена, – оила Валентина Валериановна.

Марий произведений-шамычлан марий йылыме да литератур арнаште поснак кугу тўткышым ойырат. Тиде арна марий писатель-влаклан пӧлеклалтше мероприятий-шамычлан поян. В.В.Емельянова ёдыр-рвезе-влаклан почеламутым сылнын лудмо конкурслан ямдылалташ полша.

– Ме марий почеламутым лудаш йӧратена, – рўж каласышт йоча-влак.

Х.АЛЕКСАНДРОВА.

Марий сылнымутын классикше С.Г.Чавайнын шочмо кечыжым Морко район Арын школышто кажне ийын палемдена. Теният тунемше-влак коклаште почеламут ден прозым сылнын лудшо-шамыч коклаште тагасымаш эртаралте. Чолга тунемше-влак районысо тыгак конкурсышто усталыкыштым тергышт. Изакаш-шольак Александровмыт (снимкыште) сенымашке шуыч. 1-ше классыште тунемше Гавриил 3-шо верыш лекте. Тихон 1-ше верым сенген нале.

О.А.ВАСИЛЬЕВА, туныктышо.

Шонкалаш тарата

Кажне произведений молан-гынат туныкта, шонаш тарата. Шукерте огыл «Слово о полку Игореве» поэмым лудынам, шуко ум пален налынам. Поэмын чын авторжым тачат огыт пале. Книгагудо лудмеке, мыланем икте раш лие: сайын шоналтыде, нимогай пашам тўналман огыл. Игорь ден Всеволодын половец-влак ваштареш крдалаш тарванымашт Русьлан шуко нелылыкым конден. Сандене калык оила: «Шым гана висе, ик гана пўч».

**Даша ИВАНОВА.
Звенигово, 2-шо №-ан
Красногорский школ.**

Палаш онгай

*Эн кужу роман –
Ж.Роменын «Люди доброй
воли» произведенийже.
Серызе тудым
14 ий возен.*

Уста улыт



Авторын фотожо.



**Палыза, могай
марий роман тыге
мучашлалтеш?
Авторжо кө?**

*Кўвар воктенысе пулемёт
тўнжшӧ гай шып шинча. Ик
шагат гыч йошкар бронепоезд,
Юл гоч вончен, Озан
могырышкыла кайыш.*

*Эрлашыжым эрдене
Йошкар Армиё Озанкыш
пурыш. Йошкарармеец-влак
коклаште, винтовкым
пейгыдын кучен,
Сакар ошкылеш.*



#Луд#Лончыло#Лий_ончылно

Кроссворд



лүмжө.

6. Андрийлан Толкын лүмым кө пуэн?

«Андрий Толкын» повесть почеш.

1. Андрийын йоча годсо йолташыже.

2. Түн геройын ачажын лүмжө.

3. Кожер ял калык шурным түредме дене тагасымашым могай ял марий-влак дене эртарен?

4. Андрий могай ялыште почтовиклан, пособийым пуышылан пашам ыштен?

5. А.Талкановын шужаржын

#Лүмгече

Руш прозаик, драматург да журналист Е.Л.Шварцын шочмыжлан – 125 ий.



Евгений Львович 1896 ий 21 октябрьыште Озаг олаште шочын.

«Два брата», «Новые приключения кота в сапогах», «Рассеянный волшебник» йомак-влакым, «Чужая девочка», «Приключения Шуры и Маруси» ойлымаш-шамычым да молымат үдыр-рвезе-влаклан пöлеклен.



Шинчымаш памаш

Кажне егын йоратыме сомылжо уло. Мыланем книгаг лудаш келша. Урок деч вара школ библиотекеш кажне кечын вашкем. Книгаг лудаш моткоч пайдале: шуко ум пален налат, ушым пойдарет. Калыкыште арам огыл ойлат: «Книга – шинчымаш памаш». Романым шергалаш онгай. Лудмекына, йолташ үдырем дене канашена.

Венера СКВОРЦОВА. Медведево, Кома.

#Лүмгече

Лүм: Яныш Ялкаевич Ялкаев. Псевдонимже – Ялкайн.

Шочын: 1906 ий 25 октябрьыште Пошкырт кундем Мишкан район Чорай ялеш.

Тунемын: Мишкан районысо училищыште, Николо-Берёзовский педтехникумышто, Бирскысе педагогике техникумышто, М.В.Ломоносов лүмеш Москосо кугыжаныш университетыште.

Произведенийже-влак: «Кугу кайык» поэме, «Ужар жап», «Андрий Толкын», «Ола» повесть-влак, «Онго» роман да шуко моло.

Паша: Марий областной тоштерыште (кызыт Т.Евсеев лүмеш Национальный тоштер), «Советская этнография» журнал редакцийыште, Москосо шанче академийыште ыштен.

Онгай факт: ныл классан школым кум ийыште тунем пытарен. 12 книгаг авторжо.

Марий писатель, кусарыше Я.Ялкайнын шочмыжлан – 115 ий.

Сылнымут ушен

Сылнымутым йоратыше-влакым «Сылнымут шыже-2021» семинар-совещаний ушен. Тушко логалаш мыланемат пиал шыргыжалын. Уста ег-влак дене палыме лиймаш, у шинчымашым налмаш, у шонымаш – икманаш, чылажат кумылем нөлтен. Кумдан палыме поэт-шамыч почеламутемлан акым пуэныт. Моло-влакын пашаштым колшытын, сылнынрак возаш кумылангынам. Семинарлан көра сылнымутын «нöшмыжым» ынде сайынрак палем. Поэзий ала-ныште уло кумылын тыршаш тунгалам.

Дима ВЕДЕНЬКИН. 1-ше номеран Шернур школ.

Книга – шонымаш пуш

– Мыланем Сергей Есенин ден Владимир Маяковскийын возымышт келша. Нунын почеламутышт-влак чонечи логалше улыт. Сылнымутан произведенийла деч посна психологий дене кылдалтше книга-влакым лудам. Мый, ег-шамычын тарванымаштым, ончалтышыштым эскерен, койыш-шоктышыштым пален налнем. Книга – тиде шонымаш пуш. Тудо тюрлö жапыш да тюрлö кундеммыш налгая, – ойла Оршанке районысо Кугунур школын 8-ше классыштыже тунемше Диана БОГДАНОВА (снимкыште).

Кызыт Интернетыште йүкандыме проиведенийлам вашлийына. Нуным колышташ да текстшым экраныште ужаш лиеш. Удыр тыге англичан книга-влакым колыштеш да лудеш.

Дианан сенгымашыже ятыр. Районышто эртаралтше Шкетан лудмаште мыскарам лудмо дене 1-ше верыш лектын. Колумб лудмашке кажне ийын ушна да сенгыше радмыш логалеш.



#Лудшо_ег_ончыльен

Х.ГЕННАДЬЕВА.

Фотом еш архив гыч налме.

Финн-угор калык ешыш латвич калык пура. Нунын коклаште – эрзя. Родына-влак нерген шуырак пален налаш манын, филологий шанче кандидат, «Мордовий» ГТРК-ан корреспондентше, школышто эрзя йылмым тунуктышо А.А.ДАНИЛЬЧЕВ (снимкыште) дене кутырышна.

– Александр Алексеевич, эрзя калык мо дене кугешна?

– Ме шочмо йылмына, тўвырана, йўлана дене кугешнена. «Эрзя» шомак илыш манын кусаралтеш. Мыланна уста ен-влак шерге улыт. Скульптор Степан Эрзя кумдан палымылан шотлалтеш. Тудын пашаже-шамычым Аргентиньште, Италийыште, Францийыште да моло эллаште ужныт. Серызе-влак Кузьма Абрамов, Серафима Люлякина, модель Наталья Водянова дене моткоч кугешнена. Эсогыл Надежда Кадышеван родотукымжо – эрзя.

– Йоча-влак школлаште эрзя йылмым шочмо йылме семын тунемыт мо?

– Яллаште 1-11-ше класслаште тунемше ўдыр-рвезе-влак эрзя йылмым шочмо йылме семын тунемыт. Тыгак литератур урок уло. Саранскыште 2-7-ше классласте тунемме программмыш эрзя йылмым кугыжа-

ныш йылме семын пуртеныт. Олаште тунемше-влакын аттестатыштышт эрзя йылме дене отметке лиеш гын, моткоч сай ыле.

Эрзя – мемнан родына



18-24 октябрь – Финн-угор калык-влакын кечышт.

Университетыште тунуктышо-шамычым ямдылат. Тугеже шочмо йылмынан ончыкылыкшо уло.

– Ўдыр-рвезе-влак иже коклаштышт эрзя йылме дене кутырат?

– Яллаште кутырат, но вожылмылан але вес амаллан кўра шукинжо рушла мутланаш тыршат. Олаште ялла гыч илаш куснышо

ача-ава-влакын икшывыштгына эрзя йылме дене кутырат. Йочам изинек шочмо йылмым йўраташ тунуктыман: тўвыра, йўла, уста ен-влак нерген каласкалыман.

– Йоча-шамычлан шочмо йылме дене конкурс ден фестиваль-влак эртаралтыт?

– Школ программе почеш олимпиаде ден конкурс-влак эртаралтыт. Самырык-шамычлан эрзя йылме дене республикысе конкурс-влак шагал улыт. Сочинений конкурсышко гына ушнаш лиеш.

– Мый палем, Мордовийыште «Чилисема» журнал уло.

– «Чилисема» кече лекманмым ончыкта. Журнаlesh йоча да самырык-влакын почеламутышт, изирак ойлы-машышт, сўретышт савыкталтыт. Мый журналым изи годсек налам, кызытат куанен шергалам. Ондак мыйын пашам-влак лектыныт гын, ынде тунемше-шамычым сылнымутлан шўмандем.

– Те «Эрзя йылмым эн сайын тунуктышо» конкурсышто сеҗышыш лектында, мастарлыкдам Российысе конкурсышто ончыкташ тўналыда. Пашаштыда лектышым да сеҗымашым тўланена.

Х.АЛЕКСАНДРОВА
мутланен.
Фотом еш архив гыч налме.



Венгр-влак кокла гыч Эрно Рубик Рубик кубикым, Ласло Биро шариковый ручкам, Деннис Габор голографийым, Джон Кемени ден Томас Курц Бесик программированийым шонен луктыныт.

Акань – манси аралтыш курчак. Чурийыштыже нерым, умшам, шинчам ыштен огытыл. Осал шўлыш пурен кертеш манын шоненыт.



Палаш огай



Кантелен шочмыжо карел да финн-влакын «Калевала» эпосыштын тўн геройжо Вайнямёйненын лўмжў дене кылдалтын.

Саам-влак пуш гай койшо керёжкам пўчыш кычкен кудадыштыт. Поктылмо солашт хорей маналтеш.



Лопшо Педунь – удмурт йомакысе герой.



Эстон миф почеш, ожно мландымбалне тыгай патыр-влак иленыт: Калев, Суур Тылл. Легенде почеш, Калевын эргыже – Калевипоэрг – калыкым шыгыремдылше, йотэл гыч толшо тушман-влак да шем вий ваштареш кучедалше онарлийын.

Электротулум аныклыза!



Кочкыш шолаш пурюмеке, плитан куатшым иземдыза.



Каструльым петырен, кочкышым шолтыза.



Пакчасаскам шолтымо годым вудым шуко ида пыште.



Кочкышым шолташ кучылтмо арвер ару да тура пундашан лийшаш.



Комфорко ден салма икгай размеран лийыт гын, сайрак.

«Ямде лий» 2021 ий 22 октябрь




Фотом школын архивше гыч налме.

Кужэгер район Йывансола школын дошкольный группыштыжо шыжылан пөлеклалтше пайрем эрта-ралтын (снимкыште). Йоча-влак шыже нерген мурым муреныт, почеламутым сылнын каласкаленыт, куште-ныт, түрлө модыш дене модыныт. Ёдыр-рвезе-шамыч-лан мастарлыкштым ончыкташ моткоч келшен.
Л.А.ПОЛИКАРПОВА.

27 октябрь – Плюш маскан тунямбал кечыже.

Мастар кид



Сиретым ончен, носки гыч плюш маскам ургыза.

Шерге пөлек

Изиэм годым пушкыдо модышем шуко лийын. Нуно мыланем акам деч кодыныт. Машина-влак коклаште түрлө янлыклан, кайыклан верым эре муынам. Авам ныл ияшем годым маскам пидын пөлеклен. Тудо эн йоратыме модышыш-кем савырнен. Маскалан Кирилл лумым пуэнам. Тудым пеленем малаш пыштенам. Кызыт мыят кушкынам, маскат «кугу лийын». Кажне кечын школ гыч сай отмыкым кондымем вуча.
Артём ИВАНОВ.

Йошкар-Ола, 24-ше №-ан школ.

М. ШКЕТАН ЛҮМЕШ
МАРИЙ КУГЫЖАНЫШ
ДРАМЕ ТЕАТР

24/10 11:00

Сказка
В некотором царстве

0+

КАССЕ 8(8362) 78-13-78 SHKETAN.RU

Тушто-влак

Чодырасе чічїєм шем
ужгам чиен, ик
полдышыжат уке.

Кычкен кертдыме
шем алаша.

«Ямде лий» газет
Тун редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари-Эл Республикысе культур, печать да калык-влакын пашат шотышто министерстве, «Кугарня» газет» кугыжаныш унитарный казна предприятий.

Газетым редакцийште пегымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № Ту52-01335,
2021 ий 29 сентябрьште пуымо.


0+

Печатьш пуымо жап –
14-00,
фактически – 13-00

Авторын да редакцийын шонымышт түрлө лийын кертят. Серыш-влак монтеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооруженный Вийын 70-ше идалыкше урем, 20-шо порт.
Тел. 8(8362) 45-22-82(факс)

Конкурс



Катя ДУБИНИНА.
Оршанке, Марий Ернур.

Аня БЕЛОУСОВА.
Одо кундем, Карагёл,
Нырғындыш.

Аваже
їдыржым
парня де-
не шот-
лаш ту-
ныкта. Катя трук шорташ
тїнкале.

- Мо лийынат, їдырем?
- Авай, мыланем 11 ий
нигунам огеш тем.
- Молан?
- Парням огеш сите.



10 ойыртемым муза.

Судоку



**Сўретым ончен, йодыш-влаккан
вашештыза:**

- ➔ Могай янлык-влак телылан малаш возыт?
- ➔ Мо телым кочкышым кычалеш?
- ➔ Мо телылан шапашым
ямдыла?




Ўмылкаштым муза.



Кармывонгым тыге сўретлаш лиш.

Могай понго-влак шылыныт, палыза.



**Ик шырпым верже дене вашталтен,
чын вашмутым ыштыза.**

Задаче
Карлсон ден
Малыш шыже гербари-
йым погаш шонен пыште-
ныт. Карлсон 9 лышта-
шым поген, Малыш - 3
пачаш шукрык. Нуно чылаже
мыняр лышташым погенит?



Сўретче могай йонылышым ыштен!